



Na osnovu člana IV. B. Ustava Federacije Bosne i Hercegovine ("Službene novine Federacije Bosne i Hercegovine", broj: 01/94, 13/97, 16/02, 22/02, 52/02, 60/02, 18/03, 63/03, 09/04, 32/07, 20/04, 33/04, 71/05, 72/05, 88/08, 79/22, 80/22 i 31/23), člana 66. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), i odredbi Zakona o izvršavanju Budžeta Federacije Bosne i Hercegovine za 2026. godinu ("Službene novine Federacije Bosne i Hercegovine", broj: 06/26) Potpredsjednik Federacije Bosne i Hercegovine d o n o s i

ODLUKU

o uslovima, kriterijima, načinu i postupku dodjele sredstava sa pozicije "Tekući transferi" za 2026. godinu

I – OPŠTE ODREDBE

Član 1. **(Predmet)**

- (1) Ovom Odlukom utvrđuju se uslovi, kriteriji, način i postupak dodjele sredstava sa pozicije "Tekućih transfera" predviđenih u Budžetu Federacije Bosne i Hercegovine za 2026. godinu, kojima raspolaže Potpredsjednik Federacije Bosne i Hercegovine (u daljem tekstu: Potpredsjednik), utvrđenih u razdjelu 11, glava 1103, ekonomski kod 6141, 6142 i 6143.
- (2) Sredstva iz stava (1) ovog člana raspoređuju se kao:
 - a) Transferi drugim nivoima vlasti i fondovima.
 - b) Transferi pojedincima.
 - c) Transferi neprofitnim organizacijama.

II – TRANSFERI DRUGIM NIVOIMA VLASTI I FONDOVIMA

1.1. Osnovne odredbe

Član 2. **(Iznos ukupnih sredstava)**

Ukupno raspoloživa sredstva "Tekući transferi drugim nivoima vlasti i fondovima" za 2026. godinu, iznose 50.000,00 KM (slovima: pedesethiljada i 00/100 KM) i nalaze se na poziciji tekućih transfera Kabineta Potpredsjednika - 1103.

Član 3. **(Korisnici sredstava)**

- (1) Pravo na dodjelu sredstava iz člana 2. ove Odluke imaju drugi nivoi vlasti u Bosni i Hercegovini kao i javne ustanove kojima je osnivač Kanton, Grad ili Opština.
- (2) Pod drugim nivoima vlasti iz stava 1. ovog člana podrazumijeva se: Kanton, Grad, Opština i Mjesna zajednica.



Član 4.
(Predmet finansiranja)

Odobranje sredstava "Tekući transferi drugim nivoima vlasti i fondovima" za 2026. godinu, vršit će se kao:

- a) Materijalna podrška projektima vezanim za oblast kulture, sporta, nauke i umjetnosti, obrazovanja i dr., a čijom će se realizacijom doprinijeti daljem društveno - ekonomskom razvoju lokalne zajednice.
- b) Materijalna podrška projektima vezanim za izgradnju novih i sanaciju postojećih objekata i infrastrukture, a koji imaju svoju važnost za datu lokalnu zajednicu.
- c) Svi ostali programi i projekti koji bi imali značajnu ulogu u ostvarivanju javnog interesa u određenoj oblasti.

Član 5.
(Maksimalni iznos dodjele sredstava)

- (1) Sredstva definisana u članu 2. ove Odluke dodjeljuju se do maksimalno 5.000,00 KM (slovima: pethiljada i 00/100 KM) po podnosiocu zahtjeva, u toku jedne godine.
- (2) Godina dana, u smislu ove Odluke, počinje se računati od datuma donošenja odluke o dodjeli sredstava.

1.2. Kriteriji za dodjelu sredstava

Član 6.
(Kriteriji vrednovanja)

Sredstva iz tekućih transfera drugim nivoima vlasti i fondovima za 2026. godinu, dodjeljivat će se prema opštim i posebnim kriterijima propisanim ovom Odlukom.

Član 7.
(Opšti kriteriji)

- (1) Osnovni uslov za dodjelu sredstava je podnošenje pismenog zahtjeva Potpredsjedniku sa dokazima o ispunjavanju opštih i posebnih kriterija.
- (2) U zahtjevu iz stava (1) ove Odluke se navode ciljevi i namjene za koje se traže sredstva iz "Tekući transferi drugim nivoima vlasti i fondovima" za 2026. godinu.
- (3) Organi drugih nivoa vlasti i fondovi kao podnosioci zahtjeva za "Tekući transferi drugim nivoima vlasti i fondovima" za 2026. godinu, moraju dostaviti sljedeću dokumentaciju i podatke kao dokaz o ispunjavanju opštih kriterija:
 - a) Originalni pismeni zahtjev uredno potpisan i ovjeren od strane ovlaštene osobe sa navedenim nazivom, adresom i kontakt telefononom organa drugog nivoa vlasti ili fonda kao podnosioca zahtjeva.
 - b) Kopija rješenja o registraciji podnosioca zahtjeva.
 - c) Kopija uvjerenja o poreskoj registraciji (identifikacioni broj).
 - d) Dokaz o posjedovanju i broj bankovnog transakcijskog računa (potvrda od banke ili kopija ugovora o otvaranju transakcijskog računa sa bankom), sa jasno naznačenim uputama za uplatu sredstava.



Član 8.

(Poseban kriteriji i bodovanje)

Posebni kriteriji za dodjelu novčanih sredstava na osnovu "Tekući transferi drugim nivoima vlasti i fondovima" za 2026. godinu, primjenjivat će se za kategorije u skladu sa članom 3. ove Odluke, kako slijedi:

- a) Detaljan opis aktivnosti/projekta za koju se podnosi zahtjev. **0 do 4 boda**
- b) Značaj projekta/aktivnosti za društveno-ekonomski razvoj ili javni interes lokalne zajednice. **0 do 4 boda**
- c) Kapacitet organizacije za upravljanje predloženim aktivnostima u smislu dovoljnog broja uposlenih, raspoložive opreme, period rada od osnivanja do podnošenja zahtjeva (iskustvo), učešće vlastitih sredstava u finansiranju i slično. **0 do 2 boda**

Član 9.

(Dostavljanje dokumentacije)

- (1) Zahtjev za dodjelu novčanih sredstava iz "Tekući transferi drugim nivoima vlasti i fondovima" za 2026. godinu, **dostavlja se** Kabinetu Potpredsjednika - 1103, **isključivo putem pošte sa naznakom "Zahtjev za dodjelu sredstava – tekući transferi drugim nivoima vlasti i fondovima"**.
- (2) Organi drugih nivoa vlasti i fondovi koji apliciraju za dodjelu sredstava, dužni su dostaviti dokumentaciju i podatke definisane članovima 7. i 8. ove Odluke.
- (3) Dostavljena dokumentacija ostaje u arhivi Kabineta Potpredsjednika i ne vraća se podnosiocu zahtjeva.

III – TRANSFERI POJEDINCIMA

1.1. Osnovne odredbe

Član 10.

(Iznos ukupnih sredstava)

Ukupno raspoloživa sredstva "Tekući transferi za pojedince" za 2026. godinu, iznose 50.000,00 KM (slovima: pedesethiljada i 00/100 KM) i nalaze se na poziciji tekućih transfera Kabineta Potpredsjednika - 1103.

Član 11.

(Korisnici sredstava)

Pravo na dodjelu sredstava iz člana 10. ove Odluke za kategoriju - **Transferi pojedincima** imaju:

- a) Fizička lica koja se nalaze u stanju socijalne potrebe, tj. stanju teške materijalne situacije, stara, bolesna i iznemogla lica, djeca sa posebnim potrebama i djeca bez roditeljskog staranja (zahtjev podnosi staratelj), ratni vojni invalidi i ostale osobe sa invaliditetom, članovi šehidskih porodica i porodica poginulih boraca, nezaposlena lica, radnici na čekanju i druga lica bez prihoda ili sa malim prihodima i ostala nepobrojana lica koja se nalaze u stanju socijalne potrebe.



- b) Fizička lica kojima su finansijska sredstva neophodna za liječenje, a nemaju nikakve ili imaju male prihode.
- c) Učenici i studenti kojima su finansijska sredstva neophodna za završetak obrazovanja.
- d) Fizička lica kojima su finansijska sredstva neophodna za unapređenje kulturno – umjetničkog, književnog, likovnog, muzičkog, kulturnog, sportskog, obrazovnog, edukativnog, tehničkog i drugog stvaralaštva na području Bosne i Hercegovine.

Član 12.

(Maksimalni iznos dodjele sredstava)

- (1) Sredstva za pojedince definisana u članu 10. ove Odluke dodjeljuju se do maksimalno 5.000,00 KM (slovima: pethiljada i 00/100 KM) po podnosiocu zahtjeva, odnosno članu uže porodice istog domaćinstva iz kojeg je pojedinac, u toku jedne godine.
- (2) Unutar jedne godine dana samo jednom članu, kao podnosiocu zahtjeva, mogu biti odobrena navedena sredstva.
- (3) Godina dana, u smislu ove odluke, počinje se računati od datuma donošenja Odluke o dodjeli sredstava.
- (4) Pod članom uže porodice, u smislu ove Odluke, smatraju se: bračni i vanbračni drug, dijete (bračno, vanbračno, usvojeno, pastorče i dijete bez roditelja uzeto na izdržavanje), roditelji (otac, majka, očuh, maćeha, usvojitelj i hranitelj), braća i sestre.

1.2. Kriteriji za dodjelu sredstava

Član 13.

(Kriteriji vrednovanja)

Sredstva iz tekućih transfera pojedincima za 2026. godinu, dodjeljivat će se prema opštim i posebnim kriterijima propisanim ovom Odlukom, u zavisnosti za koju oblast su sredstva namijenjena.

Član 14.

(Opšti kriteriji)

- (1) Osnovni uslov za dodjelu sredstava je podnošenje pismenog zahtjeva Potpredsjedniku sa dokazima o ispunjavanju opštih i posebnih kriterija.
- (2) U zahtjevu iz stava (1) ove Odluke se navode ciljevi i namjene za koje se traže sredstva iz "Tekući transferi pojedincima" za 2026. godinu.
- (3) Podnosioci zahtjeva za "Tekući transferi pojedincima" za 2026. godinu, moraju dostaviti sljedeću dokumentaciju i podatke kao dokaz o ispunjavanju opštih kriterija:
 - a) Ime, prezime, adresa i kontakt telefon podnosioca zahtjeva.
 - b) Prijava prebivališta (CIPS) na kojem je jasno naznačen JMB podnosioca zahtjeva.
 - c) Svojeručno potpisanu Saglasnost za obradu ličnih podataka koja je sastavni dio ove Odluke (**Prilog 1**).
 - d) Dokaz o posjedovanju i broj bankovnog transakcijskog računa (potvrda od banke ili kopija ugovora o otvaranju transakcijskog računa ili jasno naznačen 16-cifarski broj transakcijskog računa banke otvoren na ime podnosioca zahtjeva).

NAPOMENA: Na štedni račun nije moguće izvršiti uplate sredstava.



Član 15.

(Posebni kriteriji i bodovanje)

(1) Posebni kriteriji i bodovanje za dodjelu novčanih sredstava na osnovu "Tekući transferi pojedincima" za 2026. godinu, primjenjivat će se za kategorije u skladu sa članom 11. ove Odluke, kako slijedi:

- a) Fizička lica u stanju teške socijalno-materijalne situacije:
- 1) Dokaz o statusu podnosioca zahtjeva (penzioner, demobilisani borac, ratni vojni invalid, dobitnik ratnih odlikovanja, status samohranog roditelja, civilne žrtve rata, šehidske porodice, radnika na čekanju i slično) - dokazuje se kopijom rješenja izdatog od nadležne službe. **0 do 2 boda**
 - 2) Dokaz o nezaposlenosti - potvrda službe za zapošljavanje. **0 od 3 boda**
 - 3) Dokaz o mjesečnim primanjima. **0 do 2 boda**
 - 4) Dokaz o broju članova domaćinstva - dokazuje se kućnom listom. **0 do 2 boda**
 - 5) U slučaju postojanja težih bolesti članova porodičnog domaćinstva dostaviti kopije medicinske dokumentacije izdate od nadležnog doktora ili medicinske ustanove. **0 do 1 bod**
- b) Fizička lica kojima su finansijska sredstva neophodna za liječenje:
- 1) Dokaz o mjesečnim primanjima podnosioca zahtjeva ili staratelja. **0 do 3 boda**
 - 2) Dokaz o zdravstvenom stanju za koje se podnosi zahtjev za dodjelu sredstava - dokazuje se medicinskom dokumentacijom kao što su: nalazi nadležne medicinske ustanove, nadležnog doktora, otpusno pismo iz bolnice i slično. **0 do 7 bodova**
- c) Učenici i studenti kojima su finansijska sredstva neophodna za završetak obrazovanja:
- 1) Aktivnost/predmet zahtjeva. **0 do 4 boda**
 - 2) Dokaz o mjesečnim primanjima podnosioca zahtjeva ili staratelja. **0 do 2 boda**
 - 3) Dokaz o do sada ostvarenim uspjesima u školovanju. (potvrde o uspjehu, takmičenjima, osvojenim nagradama i slično). **0 do 4 boda**
- d) Fizička lica kojima su finansijska sredstva neophodna za unapređenje kulturno - umjetničkog stvaralaštva na području Bosne i Hercegovine:
- 1) Detaljan opis aktivnosti/projekta za koju se podnosi zahtjev. **0 do 4 boda**
 - 2) Dokaz o dosadašnjim javnim radovima i aktivnostima. **0 do 3 boda**
 - 3) Doprinos aktivnosti/projekta razvoju umjetničkog, književnog, likovnog muzičkog, kulturnog, sportskog, obrazovnog, edukativnog, tehničkog i drugog stvaralaštva na području Federacije Bosne i Hercegovine. **0 do 3 boda**
- (2) Dokazi iz stava (1) tačke a), b) i c) ovog člana, ne smiju biti stariji od 6 (šest) mjeseci od dana podnošenja zahtjeva.



Član 16.

(Dostavljanje dokumentacije)

- (1) Svojeručno potpisan zahtjev za dodjelu novčanih sredstava iz "Tekući transferi pojedincima" za 2026. godinu, **dostavlja se** Kabinetu Potpredsjednika - 1103, **isključivo putem pošte sa naznakom "Zahtjev za dodjelu sredstava - tekući transferi pojedincima"**.
- (2) Pojedinci koji apliciraju za dodjelu sredstava, dužni su dostaviti dokumentaciju i podatke definisane članovima 14. i 15. ove Odluke.
- (3) Dostavljena dokumentacija ostaje u arhivi Kabineta Potpredsjednika i ne vraća se podnosiocu zahtjeva.

IV – TRANSFERI NEPROFITNIM ORGANIZACIJAMA

1.1. Osnovne odredbe

Član 17.

(Iznos ukupnih sredstava)

Ukupno raspoloživa sredstva "Tekući transferi neprofitnim organizacijama" za 2026. godinu, iznose 110.000,00 KM (slovima: stotinudesethiljada i 00/100 KM) i nalaze se na poziciji tekućih transfera Kabineta Potpredsjednika - 1103.

Član 18.

(Korisnici sredstava)

- (1) Pravo na dodjelu sredstava iz člana 17. ove Odluke za kategoriju **Transferi neprofitnim organizacijama** imaju:
 - a) Udruženja/organizacije registrovana u skladu sa zakonom na državnom, entitetskom ili kantonalnom nivou.
 - b) Udruženja/organizacije koja promoviraju zaštitu ljudskih prava i sloboda, te prava djeteta.
 - c) Udruženja/organizacije koja pomažu realizaciju projekta povratka izbjeglih i raseljenih lica.
 - d) Udruženja/organizacije koja pomažu realizaciju projekata zapošljavanja svih građana, a posebno povratnika.
 - e) Udruženja/organizacije koja unaprjeđuju kvalitet življenja, zaštite zdravlja i životne sredine.
 - f) Udruženja/organizacije koja se bave očuvanjem kulturne baštine naroda i nacionalnih manjina.
 - g) Udruženja/organizacije koja se bave promocijom volonterskog i humanitarnog rada i lokalnih građanskih inicijativa ili promovišu međureligijski dijalog.
 - h) Udruženja/organizacije koja se bave involviranjem i podrškom mladih osoba u društvu.
 - i) Udruženja/organizacije koja se bave afirmacijom sporta i sportskih aktivnosti.
- (2) Pod pojmom mladi, u smislu ove Odluke, smatraju osobe u životnoj dobi od navršених 15 (petnaest) do navršених 30 (trideset) godina starosti.



Član 19.

(Maksimalni iznos dodjele sredstava)

- (1) Sredstva definisana u članu 17. ove Odluke dodjeljuju se do maksimalno 5.000,00 KM (slovima: pethiljada i 00/100 KM) po podnosiocu zahtjeva, u toku jedne godine.
- (2) Godina dana, u smislu ove Odluke, počinje se računati od datuma donošenja Odluke o dodjeli sredstava.

1.2. Kriteriji za dodjelu sredstava

Član 20.

(Kriteriji vrednovanja)

Sredstva iz tekućih transfera neprofitnim organizacijama za 2026. godinu, dodjeljivat će se prema opštim i posebnim kriterijima propisanim ovom Odlukom.

Član 21.

(Opšti kriteriji)

- (1) Osnovni uslov za dodjelu sredstava je podnošenje pismenog zahtjeva Potpredsjedniku sa dokazima o ispunjavanju opštih i posebnih kriterija.
- (2) U zahtjevu iz stava (1) ove Odluke se navode ciljevi i namjene za koje se traže sredstva iz "Tekući transferi neprofitnim organizacijama" za 2026. godinu.
- (3) Organizacije/udruženja kao podnosioci zahtjeva za "Tekući transferi neprofitnim organizacijama" za 2026. godinu, moraju dostaviti sljedeću dokumentaciju i podatke kao dokaz o ispunjavanju opštih kriterija:
 - a) Originalni pismeni zahtjev uredno potpisan i ovjeren od strane ovlaštene osobe organizacije/udruženja sa navedenim nazivom, adresom i kontakt telefononom organizacije/udruženja kao podnosioca zahtjeva.
 - b) Kopija rješenja o registraciji organizacije/udruženja u skladu sa zakonima bilo kojeg nivoa vlasti u Bosni i Hercegovini.
 - c) Kopija uvjerenja o poreskoj registraciji (identifikacioni broj).
 - d) Dokaz o posjedovanju i broj bankovnog transakcijskog računa (potvrda od banke ili kopija ugovora o otvaranju transakcijskog računa sa bankom).

Član 22.

(Posebni kriteriji i bodovanje)

Posebni kriteriji za dodjelu novčanih sredstava na osnovu "Tekući transferi neprofitnim organizacijama" za 2026. godinu, primjenjivat će se za kategorije u skladu sa članom 18. ove Odluke, kako slijedi:

- a) Detaljan opis aktivnosti/projekta za koju se podnosi zahtjev. **0 do 2 boda**
- b) Značaj projekta/aktivnosti ili samog udruženja za društvenu zajednicu. **0 do 6 boda**
- c) Kapacitet udruženja/organizacije za upravljanjem predloženim aktivnostima u smislu dovoljnog broja uposlenih, raspoložive opreme, period rada od osnivanja do podnošenja zahtjeva (iskustvo) i slično. **0 do 2 boda**

Član 23.

(Dostavljanje dokumentacije)



- (1) Zahtjev za dodjelu novčanih sredstava iz "Tekući transferi neprofitnim organizacijama" za 2026. godinu, **dostavlja se** Kabinetu Potpredsjednika - 1103, **isključivo putem pošte, sa naznakom "Zahtjev za dodjelu sredstava - tekući transferi neprofitnim organizacijama"**.
- (2) Organizacije/udruženja koja apliciraju za dodjelu sredstava, dužni su dostaviti dokumentaciju i podatke definisane članovima 21. i 22. ove Odluke.
- (3) Dostavljena dokumentacija ostaje u arhivi Kabineta Potpredsjednika i ne vraća se podnosiocu zahtjeva.

V – POSTUPAK DODJELE SREDSTAVA

Član 24.

(Razmatranje zahtjeva)

- (1) Razmatranje podnesenih zahtjeva vrši Komisija za provođenje postupka dodjele sredstava sa pozicije "Tekući transferi" (u daljem tekstu: Komisija).
- (2) Komisija je dužna razmotriti svaki podneseni zahtjev sa priloženim dokazima. Kao prethodno pitanje, Komisija utvrđuje da li podneseni zahtjevi ispunjavaju Opšte kriterije iz članova 7., 14. i 21. ove Odluke, te ukoliko zahtjev nije opravdan ili Opšti kriteriji nisu ispunjeni, isti ne uzima u daljnje razmatranje.
- (3) Nakon toga, Komisija razmatra priložene dokaze iz članova 7., 14. i 21. ove Odluke, vrši ocjenu i bodovanje dokaza iz članova 8., 15. i 22. ove Odluke i selekciju dospelih zahtjeva, te sačinjava listu kandidata.
- (4) Provjere iz stavova (2) i (3) ovog člana, Komisija obavlja u skladu sa članom 46. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije Bosne i Hercegovine", broj: 37/24) u daljem tekstu: Smjernice.
- (5) Listu kandidata iz stava (3) ovog člana Komisija dostavlja Potpredsjedniku na daljnje odlučivanje i konačni odabir.

Član 25.

(Komisija)

- (1) Komisiju iz člana 24. ove Odluke imenuje posebnim rješenjem Potpredsjednik u skladu sa članovima 33., 35. 37., 39., 40., 41., 42. i 44. Smjernica.
- (2) Komisiju iz stava (1) ovog člana čine ukupno 3 (tri) člana iz reda uposlenika Kabineta Potpredsjednika. Rješenjem iz stava (1) ovog člana bit će istovremeno imenovani i zamjenski članovi Komisije, koji će sudjelovati u radu Komisije u slučaju spriječenosti stalnog/ih člana/ova Komisije, te sekretar Komisije.
- (3) U slučaju nemogućnosti formiranja Komisije u skladu sa stavom (2) ovog člana, Potpredsjednik Federacije Bosne i Hercegovine će formirati Komisiju u skladu sa članom 38. Smjernica.

Član 26.

(Način rada)

- (1) Komisija djeluje u skladu sa ovom Odlukom i važećim zakonskim i podzakonskim aktima.



- (2) Komisija je obavezna osigurati tajnost rada, nepristrasnost i povjerljivost, voditi računa o postojanju sukoba interesa, te ukoliko utvrdi postanje sukoba interesa odmah o tome u pismenoj formi obavijestiti članove Komisije i Potpredsjednika, prekinuti svoj rad u Komisiji, te preduzeti sve mjere propisane Rješenjem iz člana 25. stav (1) ove Odluke.

Član 27.

(Način bodovanja)

- (1) Bodovanje podnesenih zahtjeva Komisija će izvršiti na osnovu Obrazaca za bodovanje, koji su sastavni dio ove Odluke (**Prilog 2, Prilog 3 i Prilog 4**).
- (2) Komisija je obavezna pripremiti zbirnu listu svih ocijenjenih zahtjeva i dostaviti je Potpredsjedniku.
- (3) Prilikom ocjenjivanja podnesenih zahtjeva, Komisija je obavezna preduzimati i druge aktivnosti propisane članovima 49. - 56. Smjernica.

Član 28.

(Dodjela sredstava)

- (1) Potpredsjednik na osnovu dostavljene liste kandidata pojedinačnim odlukama vrši dodjelu sredstava i obavještava kandidate.
- (2) Potpredsjednik pojedinačnim odlukama obavještava i kandidate čiji zahtjevi nisu ispunili uvjete za dodjelu sredstava sa pozicije "Tekući transferi", a koja mora sadržavati razloge o neispunjavanju uvjeta.
- (3) Lista kandidata kojima su dodijeljena sredstva sa pozicije "Tekući transferi" će se objaviti na zvaničnoj web stranici Kabineta Potpredsjednika na kraju budžetske godine.
- (4) Pojedinci kojima su dodijeljena novčana sredstva sa pozicije "Tekući transferi za pojedince" se evidentiraju u Jedinствен registar korisnika gotovinskih naknada na koje se ne uplaćuju doprinosi u skladu sa Zakonom o jedinstvenom registru korisnika novčanih naknada na koje se ne uplaćuju doprinosi ("Službene novine Federacije Bosne i Hercegovine", broj: 25/17) i Pravilnika o uspostavi Jedinственog registra korisnika gotovinskih naknada na koje se ne uplaćuju doprinosi ("Službene novine Federacije Bosne i Hercegovine", broj: 87/17).

Član 29.

(Podnošenje izvještaja)

- (1) Pojedinci kojima su dodijeljena novčana sredstva dužni su Kabinetu Potpredsjednika dostaviti fotokopije računa kojima će opravdati namjenski utrošak dodijeljenih novčanih sredstava, u roku od 3 (tri) mjeseca od dana dodjeljivanja istih. Izuzetno, ukoliko pojedinci ne posjeduju račun/e kojim/a bi opravdali namjenski utrošak dodijeljenih novčanih sredstava, mogu dostaviti pismene izvještaje u kojima je vidljiv način utroška dodijeljenih sredstava u roku od 3 (tri) mjeseca od dana dodjeljivanja istih.
- (2) Drugi nivoi vlasti i fondovi i neprofitne organizacije kojima su dodijeljena sredstava dužni su Kabinetu Potpredsjednika dostaviti pismeni izvještaj o namjenskom utrošku sredstava, u roku od 3 (tri) mjeseca od dana dodjeljivanja istih.
- (3) Korisnicima sredstava koji u propisanom roku ne podnesu izvještaje iz stavova (1) i (2) ovog člana neće se razmatrati zahtjevi za tekuće transfere u narednoj budžetskoj godini.



- (4) Obaveze propisane stavovima (1), (2) i (3) ovog člana se ne odnose na fizička i pravna lica iz člana 6. Smjernica na koja se Smjernice ne odnose.¹

VI – PRIJELAZNE I ZAVRŠNE ODREDBE

Član 30.

(Realizacija odluka)

Za realizaciju pojedinačnih odluka Potpredsjednika zadužuju se Savjetnik - Sekretar Kabineta, Odjel za opće, pravne i finansijske poslove i Federalno ministarstvo finansija, svako u okviru svojih nadležnosti.

Član 31.

(Stupanje na snagu)

- (1) Ova Odluka stupa na snagu danom donošenja i važi za budžetsku 2026. godinu, odnosno do 31.12.2026. godine a izvršavat će se u skladu sa raspoloživim planiranim sredstvima.
(2) Ova Odluka će se objaviti na zvaničnoj web stranici Kabineta Potpredsjednika.

Broj: 03-11-5-39-1/26

Datum: 04.02.2026. godine



Potpredsjednik Federacije Bosne i Hercegovine
Igor Stojanović

[Signature]

¹ Ove Smjernice se ne primjenjuju na:

- dodjelu sredstava putem tekućih transfera drugim nivoima vlasti i fondovima, koji se dodjeljuju na ime finansijske pomoći budžetima odgovarajućeg nivoa vlasti (kanton, grad odnosno općina),
- dodjelu sredstava putem tekućih transfera koji se dodjeljuju pojedincima na temelju zakonom i drugim propisima utvrđenih prava (Npr. refundacija troškova liječenja ili troškova sahrana/dženaza),
- dodjelu sredstava putem tekućih transfera neprofitnim organizacijama - za političke stranke i koalicije, kojima je pravo na dodjelu sredstava utvrđeno Zakonom o finansiranju političkih stranaka ("Službeni glasnik BiH", broj 95/12 i 41/16).

Podaci o kontroloru podataka: Kabinet potpredsjednika Federacije Bosne i Hercegovine

Adresa: Hamdije Čemerlića 2; 71000 Sarajevo

Kontakt: 033/269-590; e-mail adresa: kabinet03@potpredsjednikfbih.gov.ba

SAGLASNOST ZA OBRADU LIČNIH PODATAKA

(u skladu sa članom 9. Zakona o zaštiti ličnih podataka Bosne i Hercegovine, "Službeni glasnik BiH", broj 12/25)

Ime i prezime: _____

Broj identifikacionog dokumenta: _____

Ime i prezime roditelja/zakonskog zastupnika/staratelja/usvojitelja (ukoliko se radi o maloljetnom licu): _____

Kontakt: _____

Vrsta/kategorija¹ prikupljenih podataka

Podaci uključuju, ali se ne ograničavaju se na: ime i prezime, JMB, podatke sadržane u ličnim dokumentima, kao i posebne podatke o porodičnim i materijalnim prilikama. Saglasnost uključuje i podatke o zdravlju koji spadaju u posebnu kategoriju ličnih podataka iz člana 11. stav (1) Zakona o zaštiti ličnih podataka Bosne i Hercegovine.

Vrsta obrade koja će se provesti

Vrsta obrade uključuje prikupljanje, evidentiranje, organizaciju, strukturiranje, čuvanje, prilagođavanje ili izmjenu, pronalaženje, ostvarivanje uvida, upotrebu širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje. Svi navedeni postupci se mogu vršiti automatizovanim ili neautomatizovanim sredstvima, dok se lični podaci iz člana 11. stav (1) Zakona o zaštiti ličnih podataka Bosne i Hercegovine mogu obrađivati prema svim predviđenim načinima obrade ličnih podataka izuzev širenjem ili stavljanjem na raspolaganje trećim licima.

DAJEM SAGLASNOST ZA OBRADU LIČNIH PODATAKA U SLJEDEĆE ODABRANE SVRHE

U svrhu provođenja postupka dodjele sredstava sa pozicije "Tekući transferi" za 2026. godinu.

Posebno, radi ostvarivanja principa transparentnosti u ovom postupku moje lične podatke koji se odnose na ime i prezime može javno objaviti na zvaničnoj web stranici Kabineta Potpredsjednika Federacije Bosne i Hercegovine. Ovo **ne uključuje** kategoriju posebnih ličnih podataka iz člana 11. stav (1) Zakona o zaštiti ličnih podataka Bosne i Hercegovine.

Svojim potpisom potvrđujem da sam upoznat/upoznata s tim da ovu SAGLASNOST mogu odbiti ili u svakom trenutku povući, te da je obrada do trenutka povlačenja zakonita.

****NAPOMENA:** Saglasnost se odnosi samo na navedene svrhe obrade i navedene kategorije ličnih podataka, te se obrada ličnih podataka ne smije koristiti u druge svrhe. Obrada navedenih kategorija ličnih podataka provodiće se u skladu sa Zakonom o zaštiti ličnih podataka Bosne i Hercegovine. Ako nosilac podataka želi povući Saglasnost, to može učiniti pismeno putem pošte na adresu: Hamdije Čemerlića 2, 71000 Sarajevo ili putem e-mail-a na adresu: kabinet03@potpredsjednikfbih.gov.ba.

Mjesto i Datum

/Potpis/

